

CORONICA 2020

MARTIN CANTIENI

Diego Armando Maradona. Idol da milliuns uffants tranter Buenos Aires, Breil e Brisbane. Dus gols legendars e characteristics en la medema partida 1986 dal campinadi mundial: Argentina cunter l'Engalterra en il quartfinal. L'emprim gol ha fatg da Maradona l'inventader da la meglra stgisa marscha da l'istorgia: «La mano de Dios». Il gol cun il maun n'ha betg fatg Maradona, mabain Dieu. En la medema partida fa el ses pli bel gol, senza enginar. Reha per la luschezza naziunala da l'Argentina suenter la Guerra dal Falkland. Era finanzialmain ina carriera singulara: Naschi pauperischem e daventà multimilliunari. Sia autobiografia deditgescha el a Fidel Castro, ma l'auto ch'el sa cumpra è in Ferrari. Glorifitgà dals Napolitans bunamain tant sco «San Gennaro», il sontg da la citad, perquai ch'el batta cun il SSC Napoli tut ils clubs da renum da l'Italia dal Nord. Protegì e pli tard bandunà da la mafia. Lunga dependenza da cocain. Bab da Diego Armando Junior ch'el renconuscha sco ses figl pir cura che quel ha gia bunamain trenta onns. Mort ils 25 da november 2020 cun 60 onns.

Dal reminent: Era il frar da Diego, Hugo Hernán Maradona Franco, è stà ballapedist da professiun. Sco mattet ha el dà in'intervista a la televisiun. A la dumonda sch'el veglia daventar in di sco ses frar, respunda el: «Da quai gnanc poss jau pensar. Mes frar vegn dal Mars.»

Tge è la «C(o)ronica da l'onn 2020»? – Jon Bischoff (illustraziun) e Martin Cantieni (text) commenteschan, resumeschan e parodieschan per la FMR 12 eveniments ch'ans han occupà durant l'onn 2020. Jon Bischoff da Vicosoprano illustrescha la fin da mintga mais per la FMR il «Mais da pais». Martin Cantieni da Turitg ha tranter auter gudagnà quest onn la concorrenza litterara rumantscha «Premi Term Bel».

Il Marsian

Part 8

